

## Көдлмштән шилтәд

Хөбч күн—хөбч нерндән дурлад, көдлмштән шилтәд, седклән тәвх кергтә. Гирлг ээмдчкәд хөбнә ард йовад, болс-бүтцәрнх хәрүлхлә—керг күцджәхш.

Мини отарт нәәдр 812 хөн бәәнә. Сүл йисн сарин эргид нег чигн хөбнә гару угав. Хөбдм цугтан дундинәс даву чинәтә. Хаша-хаацм, дулан каткм ик эртәр бел кегдлә. Увлин зуслыгдан 110 тонн өвс зөбдж авлав.

Хөбдән би шишлнх бордсн угав, болв хөбндм гару уга, цугтан сән бәәдлтә увлзджәнә. Эн юн учрв, ягъад увлин цагт чинәгән гелго, гару угагъар увлзджәхмб? Эн хамгин тускар баахн хөбчнрт зәрм селвгән дгхәр седләв.

Эн джил хөбгән увлин бәәрнүр ивч ирдж асрад угав. „Хуучан хатхсн—урн, хөбткән сансн—цецн“ гидг. Тегәд зунн Золн намрин цагт увлин зуслыг эргидк газрин идгиг көндәл уга хөбдән кошарасн ик холагъур эргүлдж идүлджәвв. Увлин кииттә боли бората цаг ирснәс нааран кошаран эргүлдж хөбдән идүлнәв. Хавр-намрин туршарт эмнг бәәсн газрин идгнх сән, хөд эцх биш нам сәәрәд йовна.

Хаврин цагт болв чигн эвинь олдж хәрүлгднә. Сальк хавлулад, сүүдринь дахулад, ик хаалгъас холд бәргднә. Хөд услн-гихләрн невчк кевтүлджәгъад услнав. Цандгин булән уснас холд йовх кергтә. Зуна халунд нургүлдж сөбднх хәрүлдж идүлнәв. Одртнх хөбдин шарх-шавг, өтн, батхннх хәләгддх эмнгднә.

Газрин идг мөстхлә эс гидж харнхгъу будн бәәхлә хөбнд йир аәмшгтә болдгиг медг кергтә. Хө хәрүлггәнә иим зокалсиг хөбчнр цугтан меднә, болв хөбчнр болгән терүг күццднх күдәхш. Тер учрар хөд эцнә, гарутна. Ноосн болн төлнх му болна. Цуг эн хамгиг меддж күцәджәх кергтә. Көдлмштән шилтә уга, амрар келхд болс-бүтцәрнх мал хәләдж асрдж болш уга.

Мартин 16-д болх СССР-н Деед Советин сунхгъвр уктад, иим даалгъвр авчанав. Белдгдсн өвснә 80 процентинх әрвлнәв, нәәдр 100 хөн болгънас 110 хургъ бәрдж, мал кедж экәснх салгънав, дакад каракуль хүрсхән 1 ч сортар өгнәв.

ДАВЛЕТОВ К.

„Полынный“ совхозин ах хөбч.